



REPUBLIKA E SHQIPËRISË

INSPEKTORATI I LARTË I DEKLARIMIT DHE KONTROLLIT TË
PASURIVE DHE KONFLIKTIT TË INTERESAVE

Nr. 3027/1 Prot.

Tiranë, më 8.05.2019

Lënda : Relacion sqarues mbi realizimin e Regjistrit të Parashikimeve të Prokurimeve Publike, për 4-mujorin e parë të vitit 2019

TIRANË

Inspektorati i Lartë i Deklarimit dhe Kontrollit të Pasurive dhe Konfliktit të Interesave, në mbështetje të Ligjit nr.9643 datë 20.11.2006 "Për Prokurimin Publik", i ndryshuar, Vendimit të Këshillit të Ministrave nr. 914, datë 29.12.2014 "Për miratimin e rregullave të prokurimit publik", i ndryshuar, ju dërgon realizimin e Regjistrit të Parashikimeve të Prokurimeve Publike, për 4-mujorin e parë të vitit 2019.

Fondet limit në Regjistrin e Realizimeve të Prokurimeve Publike dhe vlerat e kontratave të lidhura, janë pasqyruar për vlerat pa tvsh.

1. Realizimi i Regjistrit për grupin e shpenzimeve në zërin investime.(231)

Gjithsej fondi i planifikuar i investimeve për vitin 2019, është 3 milion lekë, të miratuar si produkte nga Ministria e Financave me objekt "Pajisje Kompjuterike dhe Elektronike të Blera për Zyra" me fond limit 1,500,000 lekë me tvsh dhe "Sistem Audio Prezantimi i Blere" me fond limit 1,500,000 leke me tvsh, të cilat do të prokurohen në mbështetje të Regjistrit të Parashikimeve të Prokurimeve Publike për vitin 2019.

II. Realizimi i Regjistrit për grupin e shpenzimeve në zërin operative.(602)

Realizimi i Regjistrit të Prokurimeve për grupin e shpenzimeve operative për 4-mujorin e vitit 2019, është gjithsej në vlerën 3,418,906.8 lekë ose 82%% e fondit të planifikuar me tvsh, duke respektuar dispozitat ligjore në fuqi.

1. Fondi i parashikuar për grup artikullin shërbimi me objekt "Shërbimi i ruajtjes me roje civile" . është prokuruar, në zbatim të Ligjit nr. 9643 date 20.11.2006, "Për Prokurimin Publik", i ndryshuar, neni 33, VKM nr.914 date 29.12.2014 "Për miratimin e Rregullave të prokurimit Publik", i ndryshuar, Kreu IV, neni 36. Për nevojat e institucionit për vitin 2019, për shërbimin e ruajtjes me roje civile është realizuar tender me procedurën "Kërkesë me Propozim" me fond limit - 3,369,603 (tre milion e treqind



e gjashtëdhjetë e nëntë mijë e gjashtëqind e tre) lekë pa TVSH, nga buxheti i shtetit, për godinën e Inspektoratit të Lartë të Deklarimit dhe Kontrollit të Pasurive dhe Konfliktit të Interesave, me Marrëveshje Kuadër - me një operator ekonomik ku te gjitha kushtet janë të përcaktuara, me afat 12 muaj, nga momenti i nënshkrimit të marrëveshjes kuadër.

Duke iu referuar procedurës së lartpërmendur, kjo procedurë është fituar nga AK, Trezhnjeva shpk, në vlerën 3,160,218.16 (tremilion e njëqind e gjashtëdhjetë mijë e dyqind e tetëmbëdhjetë, pik gjashtëmbëdhjetë) lekë pa tvsh dhe 3,792,261.79, (tre milion e shtatëqind e nëntëdhjetë e dy mijë e dyqind e gjashtëdhjetë e një, pik shtatëdhjetë e nëntë) lekë me tvsh, si oferta e fituese me të cilën do të lidhet marrëveshja kuadër me afat -12 muaj, bazuar në dispozitat ligjore në fuqi.

2. Fondi i parashikuar për grup artikullin “Blerje materiale kancelarie”, me fond limit për 750,000 lekë, pa tvsh, është realizuar me procedurën e blerjes me vlerë të vogël dhe është fituar nga firma privatme “Infosoft Office” sh.p.k në vlerën 721 mijë lekë pa tvsh ose 96% e fondit të planifikuar. Likujdimi është kryer konformë specifikimeve teknike të kërkuara.

3. Fondi i parashikuar për grup artikullin “Shërbim për riparim/mirëmbajtje për 3 automjete të ILDKPKI”, me fond limit për 416,667 lekë, pa tvsh, është realizuar me procedurën e blerjes me vlerë të vogël dhe është fituar nga firma privatme “Servis –Auto 2000” sh.p.k në vlerën 389,600 lekë pa tvsh ose 93.5% e fondit të planifikuar. Likujdimi është kryer konformë specifikimeve teknike të kërkuara.

4. Fondi i parashikuar për grup artikullin “Blerje Karburant”, me fond limit për 750,000 lekë, pa tvsh, është realizuar me procedurën e blerjes me vlerë të vogël dhe është fituar nga firma privatme “Kastrati” sh.p.k në vlerën 696,729.17 lekë pa tvsh ose 92.8% e fondit të planifikuar. Likujdimi është kryer konformë specifikimeve teknike të kërkuara dhe kushteve të përcaktuara në kontratën dypalëshe nr.1976 Prot., datë 7.03.2019.

Gjatë kësaj periudhe janë realizuar në përmbushjen e detyrimeve me shtetin shpenzime si posta, energji, ujë, telefoni. Gjithashtu gjatë kësaj periudhe janë lidhur kontrata shpenzim i abonimit ne shtyp, siguracione te detyrueshme per automjetet e ILDKPKI, kontrata e shërbimit të mirëmbajtjes së ashensorit, larjes së automjeteve e tj. të cilat institucioni ynë, i likujdon, në mbështetje të specifikimeve teknike të sanksionuara në marrëveshjet dypalëshe.

Përsa i përket shpenzimeve për blerje mallra të natyrave të ndryshme, institucioni ynë për këtë periudhë, i ka prokuruar dhe realizuar sipas nevojave konkrete, në mbështetje të dispozitave ligjore në fuqi.

Realizimi i prokurimeve të shpenzimeve të akorduara për ILDKPKI, për 4-mujorin e vitit 2019, është mbështetur në Regjistrin e Parashikimeve te Prokurimeve Publike të vitit 2019, të publikuar dhe kerkesave konkrete të institucionit, të kërkesave për përmirësim e mëtejshëm të punës në menaxhimin dhe zbatimin e objektivave të përcaktuara, duke

zbatuar me korrektesi të gjitha detyrimet që rrjedhin nga legjislacioni financiar nëpërmjet një administrimi korrekt dhe kontrolli të vazhdueshëm.

SEKRETARI I PËRGJITHSHËM
Kozeta NDOI

